

Gvangjsih Minzczu Bau

Cawjguen: Gvangjsih Bouxcuengh Swcigih Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

Aenhauh okbanj: CN45-0036

B.2024

Nd.2 Ng.28

Liggaeuq gyapsaenz nienz ndwencieng cibgouj

Geizsoq: Gungh daih 3611 geiz

Aen Hoih Dungyenz Baijbouh Hwnqguh Aen Gih Guhyiengh Couqmaenh Gij Eiqsik Caezcaemh Cunghvaz Minzczu Nem Aen Hoih Byaujcangh Minzczu Doxgiet Baenaj Baez Daihgouj Swcigih Ciuhai Liuz Ningz Camgya Caemhcai Gangjvah

2 nyied 22 hauh, Swcigih Dangi-veij, Cwngfuj hai Aen Hoih Dungyenz Baijbouh Hwnqguh Aen Gih Guhyiengh Couqmaenh Gij Eiqsik Caezcaemh Cunghvaz Minzczu Nem Aen Hoih Byaujcangh Minzczu Doxgiet Baenaj Baez Daihgouj Swcigih, aeu aen swhsiengj sevei cuji miz gij daegsaek Cungguk seizdaih moq Siz Ginbingz guh dazyinx, cienzmienh gvancez doeksaed gij cingsaenz Ngeihcib Daih Dangi, nyinhcaen hagsib gvancez gij swhsiengj youqgaen givendaengz gyagiengz caeuq gaijndei hong minzczu Siz Ginbingz cungjsuhgi caeuq gij cingsaenz gangjvah youqgaen mwh Cunghyangh Cwngcigiz baez daihgouj comz hagsib, haeujlaeg gvancez doeksaed gij iugouz fanghloz hungnaek Siz Ginbingz cungjsuhgi naeuz Gvangjsih, dungyenz baijbouh doicaenh hong minzczu dangj seizdaih moq gih raeuz hwnqfat ndei saed, ca ndei hong hwnqguh aen gih guhyiengh couqmaenh gij eiqsik caezcaemh Cunghvaz Minzczu, laebdaeb youq minzczu doxgiet baenaj byaij youq daengx guk baihnaj, fatok guhyiengh daiqdoengh cozyung. Swcigih Dangi-veij suhgi Liuz Ningz camgya aen hoih caemhcai gangjvah, Swcigih cujsiz Lanz Denhliz cujiz aen hoih, Swcigih Cwnghez cujsiz Sunh Daveij, Cunghyangh Dungjcanbu Ngeihgiz fugizcangj Cuj Youjgiz daengj camgya aen hoih, caemhcai doxcae fat ciengj hawj aen cizdij mozfan caeuq bounvunz mozfan daiyauj.

Liuz Ningz vixok, hwnqguh aen gih guhyiengh couqmaenh gij eiqsik caezcaemh Cunghvaz Minzczu, dwg gij saedguh Gvangjsih doicaenh hwnqguh aen guk ak, minzczu fukhwng hungmbwk, dwg gij canloz yinvu hwnqguh aen Gvangjsih maenghndei seizdaih moq, dwg aen rap naek gyamaenh hwnqfat aen gizmen ndei gak cuz bounminz doxgiet buekguh. Raeuz aeu giendingh “song aen laebdingh”, dingj guh daengz “song aen henhoh”, gwed mbaqrap cwngci naek, aeu couqmaenh gij eiqsik caezcaemh Cunghvaz Minzczu guh diuz sienqmei gak hangh hong daengx gih, guh diuz sienq sengmingh, sienq vuenyungz hwnqguh aen Gvangjsih maenghndei seizdaih moq, gejuengq swhsiengj, cauhoq gouz bienq, coh haij maeuz ak, haicuengq hwnqfat, doicaenh hwnqguh aen gih guhyiengh couqmaenh gij eiqsik caezcaemh Cunghvaz Minzczu, haenqrengz raiz bien faenzcieng Gvangjsih yiengh yendaiva Cungguk.

Liuz Ningz daegbied gangj

daengz, couqmaenh gij eiqsik caezcaemh Cunghvaz Minzczu gvendaengz daengxbuenz hwnqguh aen Gvangjsih maenghndei seizdaih moq, aeu roengzrengz cauqguh “haj aen gyaranz”, aeu dingjmaenh mbouj soeng yung aen swhsiengj sevei cuji miz gij daegsaek Cungguk seizdaih moq Siz Ginbingz caezhoz haenqguh, haeujlaeg gungganq caeuq hengzguh sevei cuji vaedsim gyacizgvanh, mboujduenh gietcomz gij rengz cingsaenz hwnqguh yendaiva, gyalai rengz cienzmienh doigvangq cienzdoh saw vah caemhyung gukgya, caezguh caezyung aen gyaranz cingsaenz Cunghvaz Minzczu caezcaemh. Aeu dingjmaenh aen moegbiu gak cuz bounminz muengh gvaq ndwenngoenz vuenyungz, aeu gaijndei ndwenngoenz bounminz, comz simvunz guh giz haidin caeuq giz doekdin hwnqfat sevei ginghci, haenqrengz doidoengh hwnqfat ndei saed, caezguh caezyung aen gyaranz vuenyungz caezcaemh baenzmiz. Aeu gyalai doicaenh gak minzczu doxcunz doxyau doxyungz, guhndei hong minzczu hawsingz, cienzmienh gyagiengz caeuq beixnuengx Gangj Au Daiz nem gyauzbauh rog guk doxyau doxgap, caezguh caezyung aen gyaranz huzndei doxbang doxcoengh. Aeu laebmaenh caeuq hengzguh gij leixniemh bya heu raemx saw couhdwg byagim byangaenz, gyagiengz baujhoh swngdhai vanzging, doidoengh hwnqfat danq

daemq saekheu, biucinj sang dajcauh gij binjbaiz swngdhai Gvangjsih maenghndei, caezguh caezyung aen gyaranz gyaunde habyouq souh laux. Aeu cienzmienh doeksaed cungdaej gukgya anhcenzgvanh, dingjmaenh ciuq fap ceihleix hongsaeh minzczu, hwnqguh aen Gvangjsih bingzan sujbingz engq sang, rengzrwd fuengzre vaqgej gij huxndumj gizdieg minzczu, caezguh caezyung aen gyaranz bingzan bien gyaiq onjdingh. Aeu gyagiengz dangj lingjdauj daengx aen gocwnz gak gizdieg hong minzczu gih raeuz, gyagiengz lingjdauj hong hwnqguh aen gih guhyiengh, gyagiengz hagsib senhconz gyauyuz, comz rengz doxrox, dajcauh aen doih gengyaeng, giengzvaq guhyiengh daiqdoengh, doedok biucinj sang caetliengh sang, doidoengh hwnqguh aen gih guhyiengh aeundaej cingzeik maenhddwd.

Lanz Denhliz youq mwh cujiz aen hoih daegbied gangj daengz, daengx gih gak gaep gak bouhmonz aeu riengret cienz guh gij cingsaenz baez hoih neix, caen aeu swhsiengj caeuq hengzdoengh dungjiz daengz gij gezcwz baijbouh Dangjuncunghyangh caeuq Swcigih Dangi-veij, cunggej, yung, hwnqfat ndei gingniemh guh ndaej baenz, comzrengz hwnqguh “haj aen gyaranz”, haenqrengz doicaenh hwnqguh aen gih guhyiengh couqmaenh gij eiqsik caezcaemh Cunghvaz Minzczu, daiqdaez guh gvancez aen

cidu gizdieg minzczu gagguen, laebdaeb guh aen hengzdoengh hwng bien fouq minz seizdaih moq, haeujlaeg hawj gak minzczu doxcunz doxyau doxyungz, mboujduenh haicauh aen gizmen moq gij saehnieb minzczu doxgiet baenaj gih raeuz, gietcomz gij rengz hung ak daengx gih gak cuz bounminz sim doxgeiq fwngz doxdaz, doxgiet buekguh, haenqrengz raiz bien faenzcieng Gvangjsih yiengh yendaiva Cungguk, ok goengrengz lai hung bae hwnqguh aen guk ak, hawj minzczu fukhwng hungmbwk.

Gwnz hoih, Swcigih Dangi-veij cangzveij, Cujcizbu bucangj Vangz Veizbingz doeg 《Gij Gietdingh Swcigih Dangi-veij, Cwngfuj Mizgven Byaujcangh Aen Cizdij Mozfan Caeuq Bounvunz Mozfan Minzczu Doxgiet Baenaj Gvangjsih Bouxcuengh Swcigih》, Swcigih Dangi-veij cangzveij, Dungjcanbu bucangj Vangz Sinhfu gangjmingz 《Aen Hengzdoengh Fueng anq Gvangjsih Hwnqguh Aen Gih Guhyiengh Couqmaenh Gij Eiqsik Caezcaemh Cunghvaz Minzczu》, Swcigih Dangi-veij cangzveij, misuhcangj Couh Yigez doeg 《Aen Dungeh Swcigih Dangi-veij Ban- gunghdingh Mizgven Laebbaenz Gvangjsih Couqmaenh Gij Eiqsik Caezcaemh Cunghvaz Minzczu Yenzgiu Gunghcoz Lingjdauj Siujcuj》.

(Cinz Yizcwz Gungh Vwnzyingj Hoz Minzvaz daj 《Gvangjsih Yizbau》 aeu daeuj hoiz)



Sanhgyangh:

Guh Saeh Mizyinx
Gvaq Cieng Cibngux

2 nyied 24 hauh, Sanhgyangh Duncuz Swciyen Siuhfangz Giuyenz Dadui banh gij saehyengh mizyinx, daengxcungq vunz siuhfangz guh cai vahduenz, guh ceizraemxrouh, guhcaemz mizyinx daengj, angqyangzyangz gvaq cieng cibngux, gyalai rengz gietcomz aen doih, hawj ndwenngoenz lai yinx.

(Gungh Bujganh Liengz Siumingz ingj)